

故宮博物院
珍藏

江蘇府州縣志

共五冊
第四冊



故宮博物院編

海南出版社

故宮珍本叢刊第 090 冊江蘇府州縣志第 4 冊(共 5 冊)

故宮博物院編

武進縣志

海南出版社

圖書在版編目(CIP)數據

故宮珍本叢刊.第88~90冊,地理.都會郡縣.江蘇,/故宮博物院編.-影印本.-海口:海南出版社,2001.4

本輯包括:[乾隆]溧水縣志、[康熙]泰興縣志、[乾隆]高淳縣志、[康熙]宿遷縣志、[乾隆]武進縣志

ISBN 7-80645-971-5

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06450 號

故宮珍本叢刊第 090 冊
江蘇府州縣志第 4 冊(共 5 冊)
[乾隆]武進縣志

故宮博物院編
責任編輯:李升召

*

海南出版社出版發行
海南省海口市金盤開發區建設三橫路 2 號 郵政編碼:570216
湖南省新華印刷三廠印刷
湖南省長沙市韶山路 158 號 郵政編碼:410004
本書正文用紙由金城造紙(集團)有限責任公司生產

*

2001 年 6 月第 1 版 2001 年 6 月第 1 次印刷
開本:787×1092 毫米 1/16 印張:31 印數:1-400 冊
ISBN 7-80645-971-5/Z·52
定價:1000 元(江蘇府州縣志 11 種共 5 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

“序”原書缺第1-2面。

休養漸摩之治旋蒙

文物皆大書特書無復滅沒而
不彰良非詳於浮言而略於實
事知古下人此邦之幸而亦
其成方期所循覽目地而布
之利以仰副

序

王三

一之書江淹有言修史之難無
出於志鄭漁仲謂志者憲章之
所繫一紀一邑志無紀
傳而為
并疆圭
風土水
各識其所數十年來度之損益
禮俗之推遷名賢修士之風徽

渥恩同知徽州府事以去每一念此

輒眷之不忘云

曾

乾隆

旦知武

但徽州府同

知新城王祖蘭撰



重修武進縣志序

蘓右相有言學士大夫所以居
今知者皆圖善以然此特
時也
參穆
其地
之以
使人意滿者也

江南地本神皋而沐浴

醲

化百有餘年天物滋豐聲明為

與有司上者苟非克知洞

燭先揆其漸得無鰥官也

盖難武進劇邑也視古之繁望

不翅過之乙酉夏知縣事王公

敬亭奉

命通守新安予承其乏甫下車即訪

求簡冊而王公新修之志適成
受而讀之則井疆徭賦人民風
土犁然具門中較前志益詳
以善回草損益之宜可由斯以
得允哉按圖而考舉首而思何
減畫宮于堵哉夫志非徒繪山

序

楊

川著都邑揚挹詩文掇拾荒言
劇事資揮麈之談也省其川原
則知所以蓄洩稽其戶口則思
所以拊循攬先招遺徽忠孝義
烈之士女則善俗有其方考其
興學設教幹濟文章之彪炳則
修廢有其緒俯仰興懷皆將

注焉以適于治以仰副

聖天子慎重吏事痼瘼民瘼之盛心

古之人不下堂而理者胥是道也予與王公生同時官同地守同職特相先後耳邑志之修其足供予考鑑者何限豈尋常圖籍比與惟述作之役予愧無尺

序

三

寸功然為之技讎宣布傳示無極是則予之責也至邑與陽湖並域而分治其經緯錯綜後先同異排纂考核之事則詳具志中覽者宜皆自得之

乾隆歲次乙酉秋九月知縣事

靈壽楊宜崙謹序



武進縣志卷首

巡幸殊恩

康熙二十三年十月二十五日

聖祖仁皇帝南巡過常州十一月初四日奉

上諭朕向聞江南財賦之地今觀市鎮通衢似覺充盈其鄉村之饒人情之樸不及北方皆因粉飾奢華所致爾等身為大小有司當潔已愛民奉公守法激濁揚清體恤民隱以副朕老安少懷之至意

臣伏讀

聖祖仁皇帝南巡筆記廿四日將由儀真幸江寧府忽遇順風

武進縣志

卷首

巡幸

可以速達京口遂乘沙船順流而下次早登山晚而登舟揚帆丹陽縣常州府無錫縣俱未及泊一晝夜行三百六十餘里達姑蘓

謹按經籍時巡之制肇於舜典詳於周官東西朔南以望岳為紀非一邑所敢私也然蔡邕云天子車駕所至臣民以為傲倖故謂之幸

國家累治重熙綏仁緝義東南士庶听夕喁喁

聖祖仁皇帝鑒方國之慕思修懷柔之

懋典御鵠所臨風雨効順彈丸下邑遂得仰邀

宸眷大澤龐鴻嗣是

清蹕屢經

恩膏滋渥

皇上法

祖勤民巡方時舉霽濡膏育之德洪暢如春再被無極誠邑中

曠古異數故恭錄簡端用昭

恩紀云

御製示江南大小諸吏詩

東南財賦地江左人文藪時巡歷此疆民事日探剖風俗貴

淳龐紛奢詎能久澄清屬大吏表率群僚首郡縣布慈和愷

悌歌父母民者國之本生計在畎畝六府既孔修三事安可

武進縣志

卷首

巡幸

二

後教化默轉移各須盡官守戶使敦詩書人知崇孝友庶幾

遠邇氓皞登仁壽誥誠申予懷斯言慎不負

康熙二十八年二月二日

聖祖仁皇帝恭奉

皇太后南巡過常州

聖祖仁皇帝南巡詩序朕念切民依咨詢幽隱於二十八年春

再舉南巡爰自畿甸東臨齊魯沿沂江淮達於吳越曩者甲

子之歲輿衛所經瞻顧閭閻觀省諸俗憫懷澤國軫恤群黎

未嘗一日忘於朕心已嘗形諸篇詠載前集中今茲重歷郡

邑見民物漸殷生業就理遠勝曩時中心慰悅又不禁吟

及之途中停警撤蹕欲以洞悉輿情數千里間百姓歡躍載

路星攢雲集瞻依愛戴發於至誠朕自惟化理何以克洽民

情益用是欣然也乃於巡歷所至沛膏澤飭官方戒民俗修

典禮經武備覽河防施諸事矣又發諸言或御帳殿或撫船

窓吟咏所及性情在焉古人云詩言志凡朕篇章所寓時以

民生風化倦倦爲念卽間相眺覽之際抒寫景物指顧山河

要其寄託則自有在也

御製蠲江南漕賦詩并序

江南屢年漕賦二百二十餘萬逐歲帶征聞吏民頗以爲累

朕志存約已宏澣衣菲食之風事期裕民師浥彼汪茲之義

武進縣志

卷首

巡幸

三

特頒詔令悉與蠲除

國家財賦東南重已責蠲租志念殷膏澤何妨頻見渥普天

願與樂耕耘

康熙三十八年三月十二日

聖祖仁皇帝恭奉

皇太后南巡過常州

聖祖仁皇帝南巡詩序朕三度南巡咸因視河親爲籌畫遂至

江浙察吏安民所歷之地隨其時宜廣沛膏澤拯疾苦焉茲

行兼奉

皇太后鑾輿而南既可無闕定省之儀且欲見

先帝開基富有四海而朕守成教育率土清寧無慚付託以博慈顏之懽悅然往返遄絕無沛留百司章奏三日一送行在即與剖決舟行多暇仍覽書史日操觚翰偶寄吟篇莫非記採風俗時存懷保兢業之意後之人讀朕前後南巡諸詩知朕心之有在云爾

御製巡歷江南示意詩

財賦稱茲地時巡復此經春膏宜豆麥烟景遍林亭靡麗風應換敦龐訓屢形施恩頻已責聊亦翠華停

三月十三日奉

上諭東南爲財賦重地朕時加軫念頻歲以來雖在邊塞用兵

縣志

卷首

巡幸

四

之際未嘗不夜殷殷睠懷寬恤茲以中外昇平時事巡省益閱河工江南觀察民間饒瘠之狀見淮南北地方疊罹水患深用惻然已經屢蠲屢賑仍命截留漕糧減價平糶其餘各州縣固市肆安輯耕鑿恬熙而額賦浩繁民生拮据歷年逋負積算日增合行江蘇巡撫安徽巡撫所屬舊欠帶徵錢糧計及百萬念小民方供新稅復舊舊通物力維艱勢難兼辦里井既多催科之擾官司復滋訟罰之煩應沛特恩概行蠲豁除康熙三十三年恩詔內已經赦免外其三十四五六年奏銷未完民欠一應地丁錢糧米豆麥雜稅爾部行文該督撫察明俱着免徵務飭有司悉心奉行俾使窮簷蔀屋均

霑實惠如有已徵在官詭稱民欠希圖侵蝕肥己者一經發覺定從重治罪朕身處宮禁與巡歷方隅無非孳孳民事但使閭閻豐足則國家裨益良多以此不惜蠲除頻敷德澤凡厥官吏軍民宜咸知朕意

康熙四十二年二月十日

聖祖仁皇帝南巡過常州賜武進縣知縣臣劉喬齡御書唐句

康熙四十四年三月十六日

聖祖仁皇帝南巡過常州存問耆老出櫻桃賜之賜太平寺僧

祥麟匾額

武進縣志

卷首

巡幸

五

御書太平興國寺

御舟次無錫賜考取監生臣楊祖楫

御書程明道詩一幅

駐蹕蘇州賜考取生員臣趙侗教監生臣楊士楫

御書石刻孝經各一冊

御製回舟至常州是夜甘霖大沛詩

夏淺雲高惜坂田江南比歲賴豐年麥秋徧野堪收穫靈雨愆期倍惕乾夜半蓬窓聞淅瀝曉來練浦聽潺湲此行往返無他事益見民情遠近虔

駐蹕揚州行宮賜舉人臣莊楷

御書千字文一部

駐蹕清江浦賜原任左春坊左諭德臣楊大鶴

御書蘭亭一幅

臣謹按春秋補助遊豫斯謠又按易聖人久於其道而天下化成

聖祖仁皇帝御極六十餘年

渥恩醴化度越萬古自二十八年迄四十四年

翠華問俗常州凡四近

天子之光蓋惟勤民廣運恒久不已之

盛心克孚虞而育夏也至今邑之父老身及恭逢者往往扶杖

武進縣志

卷首

巡幸

六

振衣盛談

懿鑠隆茂之軌聽者皆呼

萬歲矧復

聖謨貽厥丕顯丕承此邦何幸尤在春臺壽域間哉

乾隆十六年二月十八日

皇上恭奉

皇太后南巡過常州

駐蹕奔牛鎮

御製南巡過中吳駐蹕葉家村營盤之次課射十中其九因

示扈從諸臣詩

艤棹河濱早抨弦弓手調振聲皆有度連中豈須驕問俗
來南國詰戎重本朝從行諸將士慎爾勉勤勞

臣謹按

營盤在縣西二十五里葉家庄南左繞新河右環孟瀆運

河臨其前基大畝分東西六十丈南北二十五丈

辛未丁丑

南巡

聖駕駐蹕於此壬午年移駐陽湖縣政成橋東

三月初十日奉

上諭朕聞常州府屬之武進陽湖二縣開抵後田租銀一項

縣志

卷首

巡幸

七

原係前明時虛田領價後因本戶逃亡株連親族各將已
產開抵實非前明原置之田亦非當日領價之戶小民條
種役租力難並輸以致積年拖欠朕省方所至民隱勤求
清問既周倍深軫念着將武進陽湖二縣開抵後田除應
辦條漕仍照民田一例完納外其新舊租銀概予豁免以
除民累凡爾百姓尙其永承樂利各相勉於孝弟力田以
仰副朕格外加恩之意焉特諭

臣謹按役田之設昉自前明萬歷七年蘓松巡撫胡執
禮因縣每年錢糧差解計貼役銀二千五百八十九兩
三錢五分向乏經費民累輸將遂給官銀一萬七千六

百五十五兩置田五千八百八十五畝每畝價銀三兩
總核縣境四百五十七里每里領銀三十八兩六錢三
分零買田一十二畝八分七釐每歲除編稅糧衙銀外
每畝另徵租銀四錢四分統得銀二千五百八十九兩
三錢五分支給白糧欸下募船水脚當時價散各鄉救
民分假田虛賦積通籍遂多輾轉旁連逮及宗家窮里
糧存戶易呼籲茲由官未周知人迺重困

皇上六飛南幸疊沛恩膏

清問疇咨棣通民隱軫窮簷之通責紆億載之征徂求寧廼

康滂洋周浹伊古宵旰痼瘵所其無逸之聖人方斯莭

武進縣志

卷首

巡幸

八

奕嗣今引領跂踵望

鑾輿蒞止而邀解澤之塊圮者且永永勿替云

賜翰林院侍讀學士程景伊貂二個緞二端

駐蹕江寧行宮賜考取二等生員徐鼎亨緞二端

乾隆二十二年二月十六日

皇上恭奉

皇太后南巡過常州

聖駕入城由毘陵驛至

萬壽亭登舟

謹按

萬壽亭在城東文成里前臨運河康熙二十八年

聖祖仁皇帝南巡

湛恩誕敷沍漭汪濊邑之臣民靡不戴德鼓舞刻石紀

恩敬勒

皇恩浩蕩

萬壽無疆百祿是荷聖德光昌十六字於四周我

皇上時巡南國重邀

宸顧駐

蹕斯亭草木蒙庥禽魚咸若

睿覽所及卽成地靈過斯亭者覺

武進縣志

卷首

巡幸

九

雲日之華常留瞻望鬱蒸之氣溢爲恬熙恭逢十一月二十

五日

皇太后萬壽八月十三日

皇上萬壽邑中紳士每於此效醵呼祝

洪算焉

御製過常州府城八韻詩

傍堤維鳳舳行路策龍駒問俗闌闕度觀光老幼趨舟車

引百越襟帶控三吳泰伯高風在賀公嘉政膺人文日寢

盛食服衆滋腴故是昇平象寧無水旱虞卽今雖小補憶

昔未全藉咨爾牧民者引恬莫怠圖

御製跋馬過常州至簾舟亭進舟遂成是首

風流蕙鬋仙遙年此繫艇遺跡至今傳以人不以境流爲
佛氏字松竹頗幽靜印公舊深獎玉帶留堪省南來緣觀
民詎爲賞烟景敞榭及孤亭照綴備臨幸玉局強項人想
未必肯肯山僧不解禪念佛持清誓云昔曾執戈放下屠
刀猛寺僧自云前於陝西勇健營從軍乘臚就前途回望崇情永坡留我
則往不繫問雲影

御賜玉局風流匾額

臣謹按宋建中靖國元年五月蘇軾自海外南歸寓居

毘陵邑人於其簾舟處築亭榜曰簾舟年久頽廢近就

武進縣志

卷首

地幸

十

故址重建適依

萬壽亭左并昇賦舊居洗硯石池置其傍

鑾輿所經特邀

睿鑒

奎章雲麗

禁局星懸遂令下里生輝名賢增色閒亭竹樹近沐

恩波異代詞華頻膺

仙藻誠千載曠典云

諭祭季子祠

御賜清徽繩武匾額

諭祭原任戶部尚書臣趙申喬

御賜素絲亮節匾額

諭祭原任福建巡撫臣潘思渠

賜誥封資政大夫刑部左侍郎臣錢人麟誥封資政大夫禮

部右侍郎臣莊柱穀四端御書石刻各一翰林院侍讀

臣劉星煒綴四端

賜老人穀帛

駐蹕江寧行宮賜考取二等監生臣莊所綴二端

乾隆二十六年奉

上諭獻歲恭逢

武進縣志

卷首

巡幸

十一

皇太后七旬萬壽擬於新正敬奉

安輿時巡南服俯慰士民願祝之忱並順道閱視徐州石堤及

海寧塘工因降旨令該省地方官修整道路橋梁照例預

備今歲大江以南在在豐收惟夏間雨水稍多河湖盛長

高寶興泰一帶低窪處所頗有漫溢前因河臣等先後摺

奏特傳諭尹繼善查明下游被水之區預籌撫綏恐地方

有司承辦南巡差務轉於賑恤事宜不能盡心經理是以

諭令該督將實在情形確查具奏候朕降旨酌緩巡幸今

據奏到高寶等處被水較重該處既現已成災亟宜以賑

務爲切要南巡一事不妨酌量改期該督身任封疆自當

權其緩急早爲奏請何必待朕詢及始行入告耶所有南
巡應辦差務暫行停撤改於壬午年恭奉

慈輦以慰輿情仍可攬民風而昭盛典大差既經停止自可專
心辦理賑務該督等務宜仰體朕懷董率僚屬確按災地
情形實力妥辦勿使窮黎稍有失所以副朕痼瘼在抱之
意該部卽遵

諭行

乾隆二十七年奉

上諭今春朕恭奉

皇太后鑾輿巡省江浙取道閩視河工海塘與封疆大臣講求

武進縣志

卷首

巡幸

主

吏治民生諸要務念昨冬恭逢

慈恩覃被之餘正東南士民望幸情殷之候

翠華所過宜沛隆施益光

慶典着將江蘇安徽浙江三省自乾隆二十二年起至二十六

年止所有積年災田緩征及完地丁各欠項照二十二年

例概予蠲免該督撫等其嚴飭所屬悉心核實奉行俾閭

閭膏澤均霑毋致吏胥中飽副朕錫類推恩之意該部遵

諭速行欽此

乾隆二十七年奉

上諭朕恭奉

皇太后鑾輿巡省江浙前已特頒恩旨將該二省積欠地丁全

行豁免茲入疆伊始慶澤宜行所有江南浙江水陸經過
之地方本年應征額賦俱着加恩蠲免十分之三此內或
有去秋被水歉收者蠲免十分之五該督撫等其董率屬
員實力奉行稱朕子惠黎元至意該部遵

諭速行欽此

乾隆二十七年二月十九日

皇上恭奉

皇太后南巡過常州

聖駕入城山毘陵驛至

武進縣志

卷首

巡幸

主

萬壽亭登舟

御製過常州詩

城郭恒教按轡過觀光不許攸飛呵開街自覺恬熙象僻

壤猶懷疾苦多一度民情親一度無煩王道正無煩越吳

襟帶舟車會長有司存應若何

聖駕至天寧寺拈香

御賜匾額對聯

龍城象教

合相證三摩光融西竺

衆香超萬有界現南蘭

御製艤舟亭詩

跋馬過府城至此應登艇云有蘓子瞻艤舟之舊境其然
豈其然但覺松筠靜千秋稱古蹟如是率堪省往來八州
牧留題成妙景斯亭而在斯詎非毘陵幸紺宇棲金仙瞻
謁吾亦肯東坡喜逃禪往往得句警立朝乃剛直正合進
善猛今寧無頗牧馮言會心永解纜遵川程迴望風旂影
賜誥封資政大夫刑部左侍郎臣錢人麟

御書蘭陔創壽匾額

賜誥封朝議大夫左春坊左庶子臣劉樞綬二端

賜勅授文林郎四川榮昌縣知縣臣許元基綬二端

武進縣志

卷首

題幸

古

駐蹕江寧行宮賜考取二等生員臣莊勇成監生臣莊忻綬

各二端

賜安徽學政臣劉星燁

御製詩一首

每讀善義什渴然思育賢伊誰與我共造士得卿肩底藉
然犀照應須玉鑑懸觀風當達隱豈祇在文銓

臣謹按省方展義三五以來尙矣惟我

皇上與

天合德承

福攸行仁漸九瀛之涯威懾六合之外迺

眷民依東南爲重加以河防海疆咸受裁於
睿思用是刻玉之典頻焉

屬車所臨布德和令自神人以逮品物靡不流慶禔福一隅
蕞爾亦無小無大濯沐

恩施

神絃丕運闡澤覃敷猗與至矣自今以始

至仁如天誕慰願望進虞廷之五載勤軒后之駢駢申錫無

疆景祐有秩知於萬斯年長荷

宸庥於未有艾爾

武進縣志

卷首

題幸

古

武進縣志舊序

明 晏文輝 武進知縣

夫滬池之會秦趙互書棠姜之難南史執簡楚有猗相晉有董狐繇斯以譚古先列國不廢方書今此四遐孰無別志志也者所以繼往垂來敘事纂績是豈小物也哉不佞以己亥孟冬自越之太平移令武進至卽索志而考焉無有也其大略見於郡志者獨知在唐爲望縣在今爲劇邑人文盛於海內財賦甲乎三吳如斯而已乃知禮義之舉廢政事之因革財用之盈縮風俗之美惡人物之賢否郡志不得而詳焉夫迺裔下縣名山靈域莫不有志而武進乃中吳巨鎮何哉獨武進縣志

舊序

一

闕斯舉推厥所由則非章程之難纂操翰之無人也良以縉紳基列月旦難周家有挾刃之胡奴人有私祈之張說以故野史之文四隣莫睹公庭之議百載無成余竊不然最乎莊嶽尙有太史弟兄倚矣晉陵豈乏荀袁政駿乃圖斯典追於甲辰是時歐陽郡侯適脩郡志不佞因以縣志併請既得報可遂謀之瑤池惲先生啓莘錢先生元臺薛先生以及諸華簪名宿青衿黃髮僉以總裁之任請於凝庵唐先生先生三讓乃許而惲先生及陳生邁湯生桂補實贊襄焉已而歐陽公以擢備潁州兵憲行今侯王公繼主是盟甫及成書而不佞叨轉比部竊觀是志也蒐羅不漏註記無隱文約而事該

體嚴而例正自非世擅詞林操履純白未易及此不佞幸竟初念藉光分榮不勝愉快遂付之梓以傳永久

明 唐鶴徵

鶴徵幼聞諸故老謂武進未嘗有志近於周中含家得殘志三帙刻之頗工考其纂次不在正德之末則嘉靖初也正德末去今未百年方鶴徵之幼則僅二十餘年耳何以當時故老絕無知者及今遍訪之藏書之家更無他帙其故始不可解數十年來人咸歎息謂之缺典萬歷甲辰南昌晏侯來自浙之太平政教備舉旣已再考居最入侍承明蓋在旦夕乃汲汲論於衆曰晉陵武進在唐稱望縣矧合之爲一卽盡縣武進縣志

舊序

二

寓欲以地大人衆政繁務殷加之者指必不多屈也毋論勝國以前卽入版圖二百三十餘年其間利弊之興革賢哲之奮庸不知凡幾失今不紀後益無徵敢以瓜代在邇貽之後人爰及鶴徵屬之具草鶴徵竊念前人之博雅多聞擅長製作者曾不乏人咸置而不問肇而莫竟毋亦以創爲之難乎謏陋衰殘安足任之固辭弗獲又念晏侯爲宰直數年爾猶計永久吾輩生斯長斯乃忍其湮廢而弗爲討論哉始與惲君應翼陳生邁湯生桂補收拾遺文咨詢輿論斷以鄙見述其一二則晏侯拜命襄鳩矣必欲觀其成而行乃夙夜比屬爲卷者八地理居其二錢穀居其二職官科第武備爲一卷

辭翰擬遺爲一卷與前次郡邑之志體裁稍異夫世之言志者曰志者史也史則文而已矣是故窮山川之幽深足發覽勝探奇之興采題咏之葩艷足侈騷人墨客之談索怪誕之隱蹟足礪諧史稗官之魄稱良志矣以余微之周官似不爾也土訓掌道地圖以詔地事以辨地物小史掌邦國之志外史掌四方之志職方氏掌天下之圖以掌天下之地辨其人民與其財用周知其利害使同貫利則知圖志者無非爲政設計也倘以今日郡邑之圖志上之内外史職方氏其有當爲否乎武進爲財賦興區民生舒憐惟是焉係故於財用特詳卽或類於黃白冊不論也武進自季子以禮讓爲教千載而下至闔城死國其靈秀之所鍾鬱爲人文何可數記他志於人物略舉大端鶴徵必指其事而詳之俾有生氣讀之者如見乎其入景行思齊所由切矣卽或類於家乘不論也語曰不習爲吏視已成事又曰前事之不忘後事之師也大都使爲吏者得視已成爲土人者不忘前事則於政教未必無少補云時日稍促咎在掛漏闕在修潤則尙有俟君子

武進縣志

舊序

三

國朝

武

俊

武進知縣

自漢太史氏有天官河渠諸書而班范因之遂作地理記國食貨等志此志之始也古者天子巡狩述職之典益行述者何述其志也使官斯土者問戶口土田不知問人情物產不

知問鄉之賢士大夫不知其於述職之義謂何茲者奉

天子命令天下郡邑各纂志書邑上於郡郡上於省省上於

朝以成一統之志誠鉅典也武邑志癸丑春前令已開局纂

而旋罷豈非以其事有難焉者乎臣以謏劣承乏茲土令

甲煌煌刻期報竣伏思制作之才自古不易亟造請前令延

請與修與今之續請鄉先生凡六人而公舉原任中書科中

書舍人今候補臣陳玉璠爲總裁方惴惴焉徵發期會則暇

日難廩餼筆札則宿儲難參古訂今則購書難繕寫磨勘則

鳩衆難且此志也起自明萬歷乙巳以迄於今應補者幾何

事應載者幾何人欲以不一月之功續七十餘年之緒則更

武進縣志

舊序

四

難况時當溽暑汗涔涔下書院止三楹無樹木可以休蔭幸

諸臣鑒臣衷惠然蒞止口不輟誦手不停披目不旁瞻夜以

繼晷盍然告成夫而後觀其山川則形勢扼塞可知也稽田

賦則民力艱難可念也紀歲時則豐凶饑飽之數可核也考

因革可以思政教觀豐碑與所祠春秋者可以感而興讀其

撰述可以識文章之富覽忠孝節廉之行可以見其俗樸而

風淳比次而編之得若干卷皆諸臣其襄以有成而亦得

藉以上報

天子曰此一方之志也卽小臣之職也毋敢怠厥事以自取

戾其爲寵施不旣多歟

國朝 陳玉璣

嘗考周制夏官司險掌建九州之圖周知山林川澤之阻地
官誦訓掌方志以知地俗春官保章以星土辨九州之地以
觀祲祥職方掌天下之圖地辨九州之圖使同其貫司徒掌
邦土地之圖周知九州之域廣輪之數冢宰掌邦之六典實
總其事又以其書專責之史官史官因六卿之治從而受成
焉蓋其詳也迨後世古制漸失而郡國計吏猶得上風俗之
書副在太史然司馬遷所述不過河渠一書班固本劉向地
域及張禹所屬朱貢條記風俗作地理志其詳畧已不逮周
官今則地官所掌專在戶口土田其山川民物沿革盛衰之
武進縣志 五

舊序

五

故籍皆不存職方祇職邊防軍政卽有前代記載莫得而窺
故府無聞勢不得不取之稗官野乘其間諛而失真湮沒而
不彰冗散而不可收拾者指不勝屈然則欲搜羅放廢以成
一書豈不難哉雖然以一人而欲綜天下之事則難以一人
而司一邑之事則易以一邑之事而裁於當代之人則易以
一邑之事而時既久遠世且改革欲文獻足徵是非無謬則
尤難我

皇上聰明天縱聖不自聖萬幾之暇博極羣書又留意方輿
之學

詔天下郡縣纂修志書以成

昭代一統之志甚盛典也臣玉璣樛櫟菲材荷郡縣諸臣不

棄前癸丑春謬叨幣聘續修邑志自故明萬歷四十八年以

迄本朝康熙十二年事蹟摭採過半旋因停局遂未成書

今二十二年孟夏復奉部文設局編纂限三月告成其十

二年以後事蹟及前未卒業者自應續纂常州府知府臣盧

崇義武進縣知縣臣武俊常州府儒學教諭臣許序訓導臣

葛兆熙武進縣儒學教諭臣陳吳訓導臣洪珣造臣之廬以

昔日經紀之人復命總司其事謝不敏既而思君國

大事不可以辭遂偕原任刑部員外郎臣黃承煥任襄城縣

知縣臣劉漢卿丙戌科舉人臣龔百藥候補國子監助教臣

武進縣志

舊序

六

趙燧臣晝夜編緝薈萃成書上之督撫既上之後臣竊恐時

晷迫促不無望漏牴牾更以兩閱月之功閉門較訂共成書

四十四卷臣又念刻費艱難倡議捐輸紳衿里耆幸有同志

共得五百緡有奇以付剞劂臣家居養親以來六載於茲去

年例應赴部候補緣志事未竣又濡滯一載幸而得當以

報

聖天子惟是臣邑志故明二百八十餘年修之者二一爲成

化間王文肅臣一爲萬歷間唐太常鶴徵文肅志事簡而文

樸太常志則踵事增華條分類別義例已異於前人今臣奉

功令遵照河南省志例遂與舊志更有異同臣且職閱經史

百家諸書有爲舊志所缺者補之所畧者詳之所不盡合者訂正之如建置沿革向引史記泰伯虞仲奔荆蠻語遂以吾邑爲荆蠻是信史記而不信左傳臣既辨之沿革卷中爾雅殷制九州江南曰揚州吳越之間有具區據此則三吳正揚州也舊曰屬曰附皆非太史公曰天有列宿地有州域三光者陰陽之精氣本在地而聖人統之統之者以人合天之謂也向歆京房諸家推本洪範五行五事而青祥禍疴分應之不無傳會然彰天戒謹人事作者有取焉故灾祥之占不敢忽禹貢載揚州之山川曰三江曰震澤周禮職方氏其藪具區其川三江其寢五湖今皆邑分也揚州於天下當九之一

武進縣志

舊序

七

東南巨浸毘陵實兼擅之則形勢烏可不詳延陵季子古稱終身不入吳國考劉向說苑吳用延州來季子并冀州合之左傳季子與楚論州來事則季子蓋用於吳而非不入吳國者吳大帝以前史冊所稱丹徒曲阿晉武帝以後所稱丹徒曲阿延陵晉惠帝以前所稱暨陽俱屬今武進縣則凡人物故事舊志未盡入者皆應採入水澤源流所以襟帶江湖灌溉田疇其係甚鉅明應天巡撫張國維刻三吳水利一書精明水治臣取而合之本邑河流不差銖黍而復採諸家之說分列水源水流水治以詳之學校者祀先聖先賢也舊志止及祭器樂器生徒員額歲薦科名諸條目而不及聖賢神

位姓氏無非以聖賢徧祀天下耳不知一邑中凡寺觀諸神位號無不具載乃獨於先聖先賢缺焉此大不可解者至七子異同不一先賢先儒增罷不齊攷正自不容已今遵部頒之位次列於前以異同增罷之不一者列於次改祀罷祀諸賢或疑前人之過刻者列於後後人議進之從祀而未定者亦摭其大指著於篇此臣補舊志所缺以俟論定者也臣爲蕭梁發蹟之區其墟墓猶有存者帝系自不應闕畧文肅志載而未詳太常志則俱損不錄止寥寥散見於人物卷中臣從舊史本傳節畧爲傳哀爲二卷又攷舊志及京口志皆載水平王同禹治水茲土爲后稷次子蓋后稷一子在

武進縣志

舊序

八

西北教民稼穡一子在東南佐禹底定則志君長者宜首水平王炎漢之季裂而爲三國入指曹丕爲纂則孫氏兄弟奮起於斯傳國於其子孫固一時之雄也隋家末葉羣雄爲李氏先驅吾邑裂於沈法興其時楊廣有弑父弑君之罪故法興欲乘機自王其始末烏可不紀李唐之衰裂國以十朱溫爲纂李氏以失怙孤兒承十九葉大業蓋亦人傑哉故臚列卷中亦補舊志之缺也舊志人物以季子爲冠今既列之吳世家中乃以披裘翁冠之延陵卓子則見之韓子一書其唐宋元明入據國史增入者若干人據家乘增入者若干人試以舊志合之班班可攷太常標立名目過多今總而一之曰